

Inombolo yefayili: 20/3/7/6/2  
Isalathiso: 20231106-9608

INGcaciso eMfutshane yeCandelo loLawulo lweeMviwo: 0012/2023

Iya: KumaSekela Balawuli-Jikelele, kuBalawuli abaziiNtloko, kuBalawuli (kwaNdlunkulu nakwii-ofisi zezithili), kumaSekela-Balawuli, kwiiNgcali zeMfundo eziziiNtloko, kwiiNtloko zoKunika iNkxaso kwiKharithulam; kwiiNtloko zoLawulo noKuphathwa kwaMaziko, kuBaphathi beeSekethe, kumaSekela eeNgcali zeMfundo eziziiNtloko, kwiiNtloko zoQuquzelelo neNgcebiso ngeze-ISLES, kuBaququzeleli boVavanyo neeMviwo, kuBacebisi beZifundo nakwiiNtloko zamaziko alungiselela abaviwa kwiiMviwo zeSatifikethi seMatriki sikaZwelonke

**Isihloko: Ukukhutshwa kweziphumo zeemviwo zeSatifikethi seMatriki sikaZwelonke (NSC) zangoNovemba 2023**

1. Ukwenzela ukuba iinqununu zenze amalungiselelo ayimfuneko okuthatha nokutshekisha ezi ziphumo zikhankanywe ngentla apha, kukhutshwa **le ngcaciso nemihla** elandelayo
  - 1.1 Iinqununu (okanye ootitshala nabasebenzi ekudluliselwe kubo amagunya) banokuzithatha iziphumo ze-NSC kwii-ofisi zezithili **ngoLwesihlanu we-19 Januwari 2024 ngo-07:30**
  - 1.2 Iinqununu (okanye ootitshala nabasebenzi ekudluliselwe kubo amagunya) banikwa iiyure ezimbini ezinesiqingatha zokutshekisha iziphumo bakhangele naziphi na iimposiso okanye iimpazamo ezibonakala ngokulula. Ezi mpazamo mazixelwe kwiCandelo loLawulo lweeMviwo kwezi nombolo zefoni 021 467 2483/9327/2931/ 2567/2961/2942 okanye kwiZiko leeFoni leeMviwo ku-0861 819 919.
  - 1.3 Iziphumo zinokunikwa abaviwa kwizikolo zabo nakumaziko okubhalela iimviwo achaphazelekayo ukususela ngo-**11:00 ngoLwesihlanu we-19 Januwari 2024**. Iziphumo zabaviwa abasisigxina ziya kufumaneka kuphela ezikolweni naku-Intanethi, kwaye AZIYI kufumaneka kwiZiko laBenzelwa iinKonzo leCandelo leeMviwo leSebe leMfundo leNtshona Koloni (WCED).
  - 1.4 **Makuqatshelwe: Akukho ziphumo mazasiswe abaviwa yaye kungekho ngcaciso malunga noku mayinikwe abamajelo eendaba ngaphambi ko-11.00 nge-19 Januwari 2024.**

- 1.5 Iziphumo ziya kufumaneka kwiziko lewebhu leSebe iWCED apha: <https://wcedonline.westerncape.gov.za> ngoLwesihlanu we-19 Januwari 2024 ngo-11:00 Abaviwa kuya kufuneka bafake **iifani zabo nenombolo yesazisi/nomhla wokuzalwa** ukwenzela ukuba babone iziphumo zomviwa ngamnye kwiziko lewebhu leSebe iWCED.
- 1.6 **Mabacetyiswe abaviwa ukuba batshekishe amagama abo apheleleyo neenombolo zezazisi ukuba ziboniswe ngokuchanekileyo na kwiNgxelo yeZiphumo zabo (Statement of Results).**
- 1.7 Imibuzo emalunga neziphumo imele ukungeniselwa ukuba kwenziwe uphando ngayo zingadlulanga **iintsuku eziyi-30** emva kokukhutshwa kweziphumo. Mayingeniswe yonke imibuzo apha: [ExamResults@westerncape.gov.za](mailto:ExamResults@westerncape.gov.za)
- 1.8 Itheko lamabhaso e-NSC liya kuqhubekela e-*Leeuwenhof* ngoLwesine **we-01 Februwari 2024 ngo-10:00.**
2. **Ukumakishwa kwakhona nokutsheliswa kwakhona kwezikriphthi (scripts) ze-NSC zango-2023**
- 2.1 Izicelo zokumakishwa kwakhona nokutsheliswa kwakhona kweencwadi zeempendulo mazingeniswe kusetyenziswa amaqonga onxibelelwano ngekhompyutha (*online platform*) apha: [www.eservices.gov.za](http://www.eservices.gov.za).
- 2.2 Umhla wokuvala kwizicelo zokumakishwa kwakhona **ngoLwesihlanu we-02 Februwari 2024.**
- 2.3 Kusebenza ezi ntlawulo zilandelayo ngesifundo ngasinye:  
Ukumakishwa kwakhona: R116  
Ukutsheliswa kwakhona: R29  
Ukubonwa kweencwadi zeempendulo: R220  
Ezi ntlawulo ziya kurhoxiswa kubaviwa abakwizikolo ezingahlawulisi zifizi. Abaviwa abakuxolelweyo ukuhlawula iifizi baya kuxolelwa kwintlawulo yokumakishwa kwakhona.
3. **Izicelo zeemviwo ze-NSC zangoMeyi/Juni 2024**
- 3.1 Bonke abaviwa ababebhalisele iimviwo ze-NSC zangoNovemba 2023 nababengekho kwinxenye yoviwo nabanesizathu esamkelekileyo okanye abangazange baphumelele ukufumana iziphumo zokufunda ababenethemba lokuzifumana, banokwenza isicelo sokubhala uviwo lwe-NSC lwango-Meyi/Juni 2024.
- 3.2 Iifom zezicelo zobhaliso ziya kufumaneka ezikolweni ezifundisa ikharithyulam ye-NSC, kwii-ofisi zezithili, kwi-WCED Examination Client Services Centre, eNorth Wharf Square, 2 Lower Loop Street, Foreshore, Cape Town nakwiziko lewebhu leSebe iWCED.

3.3 Umhla wokuvala kwizicelo zeemviwo ze-NSC zangoMeyi/Juni 2024 **ngulwesihlanu we-09 Febuwari 2024. Akukho zicelo zifike mva ziya kwamkeleka.**

3.4 Nayiphi na imibuzo emalunga nobhaliso lweemviwo zangoMeyi/Juni 2024 inokuthunyelwa apha: [ExamRegistrations@westerncape.gov.za](mailto:ExamRegistrations@westerncape.gov.za)

4. ISebe iWCED malaziswe ngamalungiselelo enziwe zizikolo nangamaziko okubhalela iimviwo okuthathwa kweziphumo zawo. Ziyacelwa iinqununu nabaphathi bamaziko okubhalela iimviwo ukuba bazalise le fom iqhotyoshelweyo (isiHlomelo A) ize ithunyelwe **kumlawuli wesithili** ochaphazelekayo ungasadlulanga owe-**04 Disemba 2023**.

5. **Ukunikwa inxaso neengcebiso kwabaviwa abangakhange bazifizekise iimfuno zokupasa**

5.1 Kubaluleke gqitha ukuba abaviwa abangakhange bazifizekise iimfuno zokupasa l zoviwo, banikwe inxaso nentuthuzelo ngokwasemoyeni neengcebiso. Mabaxelelwe aba baviwa ukuba kukho inkonzo yentuthuzelo neengcebiso efanekayo. Banokunikwa iingcebiso esikolweni abaviwa xa befumana iziphumo zabo, okanye ukuba kunokwenzeka, kwii-ofisi zezithili zemfundo ezichaphazelekayo apho abasebenzi besebe baya kufumaneka khona.

5.2 Ukuba inqununu, umphathi weziko okanye utitshala nomsebenzi ekudluliselwe kuye amagunya uthumela umviwa kwi-ofisi yesithili, makanikwe umviwa lowo inombolo yefoni nedilesi ye-ofisi yesithili yaye makunikwe ne-ofisi yesithili iinkcukacha zomviwa ngokunjalo.

5.3 Kusoloko kusenzeka qho ukuba abaviwa abafuna ukunikwa intuthuzelo neengcebiso, bangazifuneli bona ngokwabo. Ngoko ke kubongozwa izikolo namaziko okubhalela iimviwo ukuba zibe nemfobe novelwano kwimeko yeemvakalelo zabaviwa abaye abaphumelela ngokweminqweno yabo.

6. **Ukukhutshwa kwengcaciso engabafundi kumajelo eendaba**

Amajelo eendaba aya kuba nomdla wokufumana ingcaciso engabafundi abathe baqhuba kakuhle kakhulu kwiimviwo ze-NSC. Iinqununu nabaphathi bamaziko okanye ootitshala nabasebenzi ekudluliselwe kubo amagunya, banokuyinika ingcaciso efana nale neefoto kumajelo eendaba ngokuthethana nabazali nangokuxhomekeke ekubeni zizalisiwe yaye zisayiniwe iifom zokunika imvume (*consent forms*) zoMthetho i-*Protection of Personal Information Act, 2013 (Act 4 of 2013)*.

7. Kucelwa nazise okukule ngcaciso imfutshane bonke abasebenzi abachaphazelekayo ukuze bakuthathele ingqalelo.

**ISAYINWE:** NGU-H MAHOMED

**USEKELA MLAWULI-JIKELELE WEKHARITYHULAM NOLAWULO LOVAVANYO**

**UMHLA:** 2023-11-24